

## UPUTSTVO ZA PACIJENTA

### DAMATON

**400 mg tableta sa produženim oslobađanjem**  
*pentoksifilin*

*Prije upotrebe lijeka pažljivo pročitajte ovo uputstvo!*  
*Uputstvo sačuvajte. Možda ćete željeti ponovo da ga pročitate.*  
*Ako imate dodatnih pitanja, obratite se svom ljekaru ili farmaceutu.*  
*Ovaj lijek je propisan lično Vama i ne smijete ga dati drugome.*  
*Drugome ovaj lijek može da škodi, čak i ako ima znake bolesti slične Vašima.*

#### Uputstvo sadrži:

1. Šta je lijek DAMATON i za što se koristi
2. Prije nego počnete uzimati lijek DAMATON
3. Kako uzimati lijek DAMATON
4. Moguće nuspojave
5. Kako čuvati lijek DAMATON
6. Dodatne informacije

#### 1. ŠTA JE LIJEK DAMATON I ZA ŠTO SE KORISTI

DAMATON 400 mg tableta sa produženim oslobađanjem  
1 tableta sa produženim oslobađanjem sadrži 400 mg pentoksifilina.

Lijek DAMATON sadrži pentoksifilin. To je lijek iz grupe perifernih vazodilatatora. Djeluje tako što pojačava cirkulaciju u rukama i nogama.

Lijek DAMATON se koristi u liječenju:

- perifernih vaskularnih oboljenja (loša cirkulacija u rukama i nogama),
- intermitentnih kludikacija (bol pri hodu ili u mirovanju prouzrokovan lošom cirkulacijom u nogama).

#### 2. PRIJE NEGO POČNETE UZIMATI LIJEK DAMATON

*Upozorite ljekara ako uzimate druge lijekove, imate neku hroničnu bolest, neki poremećaj metabolizma, preosjetljivi ste na neke od lijekova ili ste imali alergijsku reakciju na neki od njih.*

##### • Nemojte uzimati lijek DAMATON ako:

- ste alergični na pentoksifilin, druge slične lijekove (aminofilin, teofilin) ili na neku od pomoćnih supstanci u sastavu lijeka (vidi dio 6). Simptomi alergijske reakcije su osip, poteškoće pri gutanju ili disanju, oticanje usana, lica, grla ili jezika.
- imate srčane probleme ili ste nedavno imali srčani udar;
- imate ozbiljne palpitacije (veoma brze i nepravilne otkucaje srca);
- ste imali moždani udar sa krvarenjem u mozgu (cerebralnu hemoragiju);
- ste imali krvarenje u oku (krvarenje u mrežnjači/retinalnu hemoragiju).

##### • Budite oprezni s lijekom DAMATON

Prije primjene lijeka DAMATON obavijestite svog ljekara ili farmaceuta ako:

- osjećate vrtoglavicu, omaglicu ili imate utisak da ćete se onesvijestiti kada ustanete naglo (hipotenzija),
- imate srčane tegobe izazvane suženjem arterija koje snabdijevaju srce krvlju,
- imate oboljenje jetre ili bubrega.

Ukoliko niste sigurni da li se nešto od navedenog odnosi na Vas, razgovarajte sa svojim ljekarom ili farmaceutom prije nego što počnete uzimati lijek DAMATON.

##### • Uzimanje drugih lijekova s lijekom DAMATON

*Imajte u vidu da se ove informacije mogu odnositi i na lijekove koje više ne koristite, kao i na lijekove koje planirate da uzimate u budućnosti. Obavijestite svog ljekara ili farmaceuta ako uzimate, ili ste do nedavno uzimali neki drugi lijek, uključujući i lijek koji se nabavlja bez ljekarskog recepta.*

Obavijestite svog ljekara posebno ukoliko uzimate neke od sljedećih lijekova:

Lijek DAMATON može pojačati dejstvo sljedećih lijekova:

- lijekova za dijabetes, uključujući tablete ili inzulin,
- lijekova za visok krvni pritisak,
- lijekova za razrjeđivanje krvi (antikoagulanasa) kao što je varfarin.

Kada se uzimaju zajedno sa lijekom DAMATON, sljedeći lijekovi mogu da povećaju šansu za pojavu neželjenih efekata:

- ketorolak, koji se koristi za ublažavanje bola;
- teofilin, koji se koristi za olakšavanje disanja;
- ciprofloksacina koji se koristi za liječenje bakterijskih infekcija;
- lijekova koji sprječavaju stvaranje krvnog ugruška;
- cimetidina (koristi se kod žgaravice i čira na želucu).

- **Uzimanje hrane i pića s lijekom DAMATON**

DAMATON tablete treba uzeti za vrijeme jela ili neposredno poslije jela, i progutati čitave sa dosta tečnosti.

- **Trudnoća i dojenje**

Ne bi trebalo da uzimate lijek DAMATON ukoliko ste trudni.

Pitajte svog ljekara ili farmaceuta za savijet prije nego što počnete da uzimate lijek DAMATON.

Ukoliko dojite ili planirate da dojite, posavjetujte se sa svojim ljekarom ili farmaceutom prije nego što počnete da uzimate lijek DAMATON, jer male količine lijeka mogu preći u majčino mlijeko.

- **Upravljanje vozilima i mašinama**

Dok uzimate ovaj lijek možete osjetiti vrtoglavicu. Ukoliko se ovo desi nemojte upravljati motornim vozilima i rukovati mašinama.

- **Ostala upozorenja**

**Šta morate znati o pomoćnim supstancama koje sadrži lijek DAMATON**

U slučaju netolerancije na neke od šećera, obratite se ljekaru prije upotrebe ovog lijeka zbog sadržaja laktoze (mliječnog šećera) u njemu.

### 3. KAKO UZIMATI LIJEK DAMATON

*Ukoliko mislite da lijek DAMATON preslabo ili prejako djeluje na Vaš organizam, obratite se svom ljekaru.*

Uvijek uzimajte lijek DAMATON tačno onako kako Vam je rekao Vaš ljekar. Ukoliko imate nekih nedoumica posavjetujte se sa svojim ljekarom ili farmaceutom.

Uzimanje lijeka DAMATON

- uzimajte lijek na usta (peroralno),
- tabletu progutajte sa dosta tečnosti,
- tabletu uzmite sa obrokom ili neposredno poslije obroka.

*Odrasli (uključujući starije osobe)*

Uobičajena početna doza je jedna tableta (400 mg), tri puta dnevno. Doza se, po potrebi, može smanjiti na jednu tabletu dva puta dnevno.

*Osobe sa oslabljenom funkcijom bubrega*

Ukoliko imate oslabljenu funkciju bubrega, ljekar će Vam po potrebi propisati manju dozu lijeka.

*Djeca*

Primjena ovog lijeka kod djece se ne preporučuje.

- **Ako uzmete više lijeka DAMATON nego što ste trebali**

*Ukoliko ste uzeli veću dozu lijeka DAMATON nego što bi trebalo, odmah razgovarajte sa Vašim ljekarom ili farmaceutom!*

Simptomi predoziranja ovim lijekom su pad krvnog pritiska, pospanost, napadi/konvulzije, poremećaji srčanog ritma.

- **Ako ste zaboravili uzeti lijek DAMATON**

*Nikada ne uzimajte duplu dozu da nadomjestite propuštenu!*

- **Ako prestanete uzimati lijek DAMATON**

*U slučaju bilo kakvih nejasnoća ili pitanja u vezi s primjenom lijeka DAMATON obratite se svom ljekaru ili farmaceutu.*

Nemojte prestati uzimati lijek DAMATON ukoliko Vam ljekar tako ne kaže.

#### **4. MOGUĆE NUSPOJAVE**

Kao i svi lijekovi i lijek DAMATON može imati neželjena dejstva, iako se ne javljaju kod svih pacijenata.

Odmah prestanite sa uzimanjem lijeka DAMATON i obratite se svom ljekaru ili odmah idite u bolnicu ukoliko:

- imate alergijsku reakciju, koja podrazumeva pojavu ospe, probleme sa gutanjem ili disanjem, oticanje usana, lica, grla ili jezika;
- imate krvarenje ispod kože;
- povraćate krv ili imate krvi u stolici;
- uočite pojavu stanja poznatog kao aseptički meningitis, čiji znaci uključuju glavobolju, ukočenost vrata, bol u očima i osjetljivost na jaku svjetlost.

Što prije je moguće, obratite se svom ljekaru, ukoliko:

- dobijate modrice lakše/više nego ranije, jer ovo može biti posljedica poremećaja krvi koji se zove trombocitopenija;
- Vam brže ili jače kuca srce (tahikardija);
- imate bol u grudima (angina pektoris);
- imate nepravilne otkucaje srca (palpitacije);
- imate česte infekcije praćene povišenom temperaturom, ježom, bolovima u grlu ili ulceracijama (otvorenim ranicama) u ustima, jer to može biti posljedica poremećaja krvi koji se naziva leukopenija;
- češće imate infekcije nego ranije, jer to može biti posljedica smanjenja broja bijelih krvnih zrnaca (neutropenija).

Obratite se svom ljekaru ili farmaceutu ako se neka nuspojava pogorša ili traje duže od nekoliko dana. Takođe, obavijestite ih ako primijetite neki neželjeni efekat koji nije naveden u ovom uputstvu:

- mučnina, povraćanje, dijareja (proliv),
- glavobolja, vrtoglavica, omaglica, nesvjestica,
- naleti crvenila,
- osjećaj napetosti, poremećaj sna,
- bolest u kojoj je blokirano oticanje žuči iz jetre (intrahepatičkaolestaza), čiji su simptomi žutica, osip ili groznica, tamno prebojena mokraća,
- nelagoda ili nadutost stomaka,
- osip,
- konstipacija (zatvor),
- pojačano lučenje pljuvačke.

Testovi krvi

Lijek DAMATON može da promijeni vrijednosti testova enzima jetre, što značiti da jetra ne funkcioniše pravilno.

*Ako primijetite bilo koju nuspojavu obavijestite ljekara ili farmaceuta.*

#### **Prijavlivanje sumnje na neželjena dejstva lijeka**

U slučaju bilo kakvih neželjenih reakcija nakon primjene lijeka, potrebno je obavijestiti Vašeg ljekara ili farmaceuta. Ovo podrazumijeva sve moguće neželjene reakcije koje nisu navedene u ovom uputstvu o lijeku, kao i one koje jesu.

#### **5. KAKO ČUVATI LIJEK DAMATON**

*Lijek DAMATON čuvati van domašaja i pogleda djece.*

Čuvati na temperaturi do 25 °C u originalnom pakovanju, radi zaštite od svjetlosti i vlage.

**Rok upotrebe:** 4 godine

*Lijek DAMATON se ne smije upotrijebiti nakon isteka roka upotrebe navedenog na pakovanju.*

*Rok upotrebe se odnosi na posljednji dan navedenog mjeseca.*

**Posebne mjere uništavanja neupotrijebljenog lijeka ili ostatka lijeka**

*Neupotrijebljeni lijek uništiti u skladu sa važećim propisima.*

*Neupotrijebljeni lijek nemojte odlagati u kućni otpad ili ga bacati u kanalizaciju. Pitajte farmaceuta za najbolji način odlaganja neupotrijebljenog lijeka, jer se na taj način čuva okolina.*

## **6. DODATNE INFORMACIJE**

- **Šta lijek DAMATON sadrži**

Aktivne supstance:

1 tableta sa produženim oslobađanjem sadrži 400 mg pentoksifilina.

Pomoćne supstance:

Sadržaj jezgra tablete: laktoza, monohidrat; hipromeloza; povidon; talk; magnezijum-stearat.

Sadržaj filma Opadry pink 02F240012: hipromeloza; makrogol 6000; titan-dioksid (E171); talk; eritrozin aluminijum lake (E127).

- **Kako lijek DAMATON izgleda i sadržaj pakovanja**

Izgled: Tablete su okrugle, bikonveksne, filmom obložene, ružičaste boje.

Pakovanje: dva blistera od tvrde PVC trake i ALU/PVC trake sa po 10 tableta u kutiji.

- **Režim izdavanja**

Lijek se izdaje uz ljeakarski recept.

### **Proizvođač**

GALENKA a.d. Beograd, Batajnički drum b.b., Beograd, Republika Srbija

### **Proizvođač gotovog lijeka**

GALENKA a.d. Beograd, Batajnički drum b.b., Beograd, Republika Srbija

### **Nosilac dozvole za stavljanje lijeka u promet**

GALENKA d.o.o., Vidovdanska b.b., Banja Luka, BiH

### **Broj i datum dozvole za stavljanje lijeka u promet:**

04-07.3-2-2589/20 od 05.11.2020.